

Ionna tiratna outna timbiņ rapar

Outna kam

Gan timbiņ rapara ma iro mbuniņapna miniņap. Na outnanna gade, ma Iesusa ripacrena laiplacarmo, otaca mina Raraņ Aetaniacapa, mana Nuoc Iesus Karaismo iro nikinik kabeap eacna. Na ianna gade, ma tonģorinanna mina an neaupna wiwitna meikramtairmo, kai watcarica mina minmo paruna, co, minmo wiņa mina Raraņ Aetaniacmo tikcarina.

Na an, "Neaupna wiwitna meikramtaira," mina gaindoprena, reikca gan tiacarpaikca eacrenanna, anna reik laiņ koinda wanaiņ. Na Iesus, ma Raraņ Aetaniacna Nuoc, aintik ma ramootna kirara ndaruna towanaiņ, te, gan tiacarpaikna reikap miknan, gan aia morena tipna kirar. Na mina gaindoprina, ramootta Raraņ Aetaniacap laiņ ndeacnanna, ma gan tiacarpaikna reikta moca kai lamņi teac. Na tip kirar wandoņapa, kabena meikramtairmo matņirena tip kirara, an toco anna gan tiacarpaikna reac. Aintik an tipemb kirarirmo, kai ranģairaiņ teac.

Na Ionna tonģorinanna, Iesusa ripacrena laiplacara an kambmo kourmo kai iki warac teac. Na ma gaindopatna, Iesusa ma ramootna tik toc ņgoinna ndarurinan, na meikramtaira manmo ripacrinan, na mina Raraņ Aetaniacmo matau ņgoinna matņiraiņ, na kabena

meikramtair motocmo matņiran.

**Aia tacna memetacna wiwir
mbuņa tanņraņ, na aia neaupna
wiwitmo kai wattacarica mina
aimo paruna**

(1.1—3.10)

Iarwarna eteacna watca ma raekca larurina

¹ Na atu, atu ņgoinna, gan tiacarpaikca laru ņgocor ndeacri, an Kamma ma atuna ndeacrena, na an Kamma aia waraca mamaiat, na aia ndorita lamnik puņņa watta mamaiat, na aia ndorita pair puņņa manmo mautiņgat. An Kamma ma iarwarna eteacna watap.

² Na an iarwarna eteacna watta ma larua raekca tikatke, aia ndorita lamnik puņņa watca, aia anna wiwitirena. Na aia nemo an iarwarna eteacna watna kamma anna nininina kam ndoprena. Atua ma Raraņ Aetaniacap eacrinan, na mandeaca ma larua raek matikri, na aia ndori puņņa watta marapacat.

³ Ainda moca aia watri, waracrina kamma, aia nen motocmo, an kamma wiwitia mboprena. Nenmo aņģica aia ndoriap aņģiri tumbunna tikca iro kabea moca Raraņ Aetaniacapa, mana Nuoc Iesus Karaisap eacna.

⁴ Na aia an kamma tir te, aina iroar inkara toņtongar koindap.

Aia memetacna wiwir mbuņa tanņraņ

1:1 In 1.1-4, na 1.14, na 20.27, na 2 Pi 1.16, na 1 Io 2.13-14 **1:2**
In 1.14, na 21.24, na Up 2.32, na Ro 16.26 **1:3** In 17.21, na Up
4.20, na 1 Ko 1.9, na 1 Io 2.24 **1:4** In 15.11, na 16.24, na 2 Io
1.12

⁵ Na aia Iesus Karaisa mbopatna kamma, aia waraca nenmo an ndoprena, mana mbopatna kamma gaind, Raraŋ Aetaniaca memetac ŋgoin, mana inikca neaup kocor ŋgoin.

⁶ Na aia ndorimo gaindop te, “Aia manap mikrena ramtair,” na aina morena tipembca lainga wanaiŋ, na an kambca aia mbopa-peknanna, aia neaupna inikca taŋrena ramtairta kirarir koind. Anna aia tip gidik ŋgoinna mba moapeke. Aia an kammo parurenan.

⁷ Na aia Raraŋ Aetaniacna memetacna inik ŋgoin ndeac taŋraŋ te, aia muruŋa aŋgiri tumbunna tikca iro kabe aŋgica, Raraŋ Aetaniacna Nuoc Iesusna racaindpaikca ndo, aina tipemb ŋgorikta makukarmo muruŋa tukia kecariren-an. Te, aia meacramoot rat ndarunande.

⁸ Na aia ndorimo aindop te, “Aia tipemb ŋgorikta makukar kocor,” na an kam gidikca aina iroar inkara eac ŋgocor, anna aia ndorita iroar inkar punga paruapekna. Na kam gidikca aina iroar inkara mba eacreke, wanaiŋ ŋgoin.

⁹ Na aia ndorita tipemb ŋgorikta makukarta kam ndopi laru te, Raraŋ Aetaniaca aina tipemb ŋgorikta makukara mo kecar i ndoprinanna, ma monandet. Na ma aimo tip wandon laŋa moca ma aina tipemb ŋgorikta makukara muruŋa aiap eacrenanmo, ma mo kecarica, aimo moi meikramtair rat ndarunandet.

1:5 In 1.9, na 9.5, na 12.35-36, na 1 Ti 6.16, na Ie 1.17, na 1 Io 3.11 **1:6** 2 Ko 6.14, na 1 Io 2.4 **1:7** Ais 2.5, na In 3.21, na Epe 1.7, na Ib 9.14, na 1 Pi 1.19, na KIEK 1.5, na 7.14 **1:8** Iop 9.2, na Nŋap 32.5, na ML 28.13, na Ie 3.2, na 1 Io 2.4 **1:9** Nŋap 51.2, na ML 28.13, na 1 Io 1.7

¹⁰ Na aia ndorica aia gaindop te, “Aia tip ngoreacna makukca mba morenanna.” Te, an kamma ndo Raraŋ Aetaniacna kammo paparu ndopnandet. Na aia aında mo te, Raraŋ Aetaniacna kam gidikca aina iroar inkara mba eacreke.

2

Karaisa aina opotacna ramoot

¹ Ne aukna mombonik, gan kamma aku nena moca turrina kam, ne tipemb ngorikta makukara mba mo taŋraŋitndai. Na ramoot ianna tip ngoreacna makukca mo te, aimo Otacna Ramootta Raraŋ Aetaniacap maeacreke, ma aina paŋanna witikca aimo bubuocraŋnande. An ramoot, ma tipemb kirarir wandoik lainga morena ramoot. Mana ia Iesus Karais.

² Ma ndo, ma aina tipemb ngorikta makukarmo mo kecarina moca ndona watta, an mbuŋa gimbamba moatna. Ma an aiŋmo, ma ai niŋgikca mba otacitndai, wanaiŋ. Ma morena aiŋa ma gan tiacarpaikna meikramtairmo muruŋa otacnande.

Raraŋ Aetaniacna tipemb kirarirmo matau raŋgairan

³ Aia Raraŋ Aetaniacna tipembmo matau raŋgai te, aia aind ndamŋinande, aia mamoo mataua malamŋireke.

⁴ Na Ramoot ianna aindop te, “Aku Raraŋ Aetaniacmo mataua lamŋirenan.” Na ma ndona

tip ianna matau rangai ngocor te, an ramootta ma paparuna ramoot ngoin. Kam gidikca mana iro inikca mba eacreke, wanaiŋ ngoin.

⁵ Na ramoot ianna Raraŋ Aetaniacna kambca rangairenan, Raraŋ Aetaniacna mamatŋia mana iro inikca min. Ainta, kirara aia aind ndamŋinande, aia Raraŋ Aetaniacnan.

⁶ Na ramoot ianna aindop te, “Aku Raraŋ Aetaniacnan.” Ma Iesusna tipembta kirarir koinda rangairan.

⁷ Aina aikndamtair koind, an Tip Wandikca aku nenmo tiratnan, an Tip Wandikna kamma anna kam ngamma wanaiŋ. Anna kam bagar. Na an Tip Wandikna kamma u outta an kamma waraca ripacatna minna, an minna, u an Tip Wandikna kamma u waraca lamŋia rapacatna.

⁸ Na gade gan kamma, aku tirca nenmo neanŋeknanna, an toco anna Tip Wandik ngam, anna gidik ngoin, Iesusna iarwar ndeteacna wat manan, an wat mananna, an toco anna nenan. Ainda moca memetaca maica larua raekca tikna moreke, na neaupna maica tanŋa maiŋgorocek.

⁹ Na ramoot ianna ndomo aindop te, “Aku memetacna inik ndeacrena ramoot.” Na ma Iesusa ripacrena laiplacarta ianmo iro ngoreaca mo te, ma neaupna inik maeacreke.

¹⁰ Na ramootta Iesusa ripacrena laiplacarmo matŋica iro laŋa mo te, ma an memetacna

2:5 In 13.15, na 14.21-23, na 15.4-5, na 1 Pi 2.21, na 1 Io 4.12-13, na 4.17, na 5.3 **2:7** 1 Io 2.24, na 3.11, na 2 Io 1.5-6 **2:8** In 1.9, na 8.12, na 13.34, na Ro 13.12, na Epe 5.8, na 1 Te 5.5, na 5.8
2:9 1 Ko 13.2, na 2 Pi 1.9, na 1 Io 3.10, na 3.14-15, na 4.20 **2:10** In 11.9, na Ro 14.13, na 2 Pi 1.10, na 1 Io 3.14

inikmo metaca eacnande. Na ma an memetacna inik ndeacraŋ te, reac ianna mamō, mo irikna minna wanaiŋ.

¹¹ Na ramootta, Iesusa ripacrena laiplacarta ianmo iro ŋgoreaca mo te, ma neaupna inikca taŋreke, anna inik maeacreke. Ainda moca mana lamniacniŋa neupa wiŋga kitaca, ma ndo taŋrena taupca lamŋi ŋgocor.

¹² Ne aukna mombonik, Karaisna i mbuŋa Raraŋ Aetaniaca nena tipemb ŋgorikta makukara mo kecarinandet. Aintik aku nenmo an kamma tiratna.

¹³ Ri, ne ater, ne an ramootmo ne matau ŋgoin ndamŋirena, ma atu ŋgoinna ramoot, ma maeacreke. Ainda moca aku nena moca an kamma tirca neaŋgapekna.

Na ne ramtair ŋgaibca ne Ramoot ŋgoreacmo kitaca mairikri. Aintik aku nenmo an kamma tirca neaŋgapekna. Na ne mombonik, ne ndorita Aetmo ne mataua lamŋirena, aintik aku nenmo an kamma tirca neaŋgatna.

¹⁴ Na ne atera ne atu ŋgoinna ne an ramootmo ne lamŋirina, an ramootta ma maeacreke. Aintik aku nenmo an kamma tirca neaŋgatna.

Na ne ramtair ŋgaibca, Raraŋ Aetaniacna kamma nenap eacreke, na ne gargara min.

Na ne ramtair ŋgaibca ne gargarap eacrenan. Aintik ne Ramoot ŋgoreacna gargarmo kitac irikna min. Ainda moca aku nenmo an kamma tirca neaŋgatna.

2:11 In 11.10, na 12.35 **2:12** Lk 24.47, na Up 4.12, na 13.38, na 1 Ko 6.11, na 1 Io 1.7 **2:13** 1 Io 1.1 **2:14** Epe 6.10

Aia gan tiacarpaikna tipemb kirarirta reikta tonɔŋgara kai mo teac

¹⁵ Na ne gan tiacarpaikapa mana tipemb kirarirtake, kai lamɔji teac. Na ramoot ianna an reikta tamɔji te, kai tonɔgoca matɔji teac, na kai lamɔji teac, ma Raraŋ Aetaniacmo, ma mba mataua matɔjirenanna.

¹⁶ Aintik aia gan tiacarpaikna meikramtaira morena tipembta kirarira aia lamɔjirena. Anna gan tipemb, tik ŋgepreke, na lamɔniacniŋ mbuɔa reaca watca matɔjireke, na kam mbarac ŋgocora karwacarena. Ainta tipembca anna Raraŋ Aetaniacnanna wanaiŋ, anna gan tiacarpaikna tipemb.

¹⁷ Na gan tiacarpaikapa, mana tipemb kirarirapa, lamɔniacniŋ mbuɔa matɔjireke, na kam mbarac ŋgocora karwacarena, an tipembca tiacarpaik mai te, mitoca manap mainande. Ramootta Raraŋ Aetaniacna kam mbaraca ranɔgairenan, ma iarwar ndeacraŋnande.

Iesusna puɔndamootta ande larua raekca tikrina

¹⁸ Aintik aukna mombonik, ne mandeaca gan tiacarpaikna mamaina miɔn malaruca. Na ŋgaua ne Iesusna puɔndamoot aniacna lataruna kam mbaracatnanna, mandeaca mana puɔnɔŋgepca wit tarua mamairi. Aintik aia lamɔjirina, aia tiacarpaikna mamaina miɔn malaruri.

2:15 Mt 6.24, na Ro 8.7, na 12.2, na Gal 1.10 **2:16** Ro 13.14, na Ie 4.16, na 1 Pi 2.11 **2:17** Mt 7.21, na 1 Ko 7.31, na Ie 1.10, na 1 Pi 1.24 **2:18** Mt 24.5, na 24.24, na 2 Te 2.3, na 1 Ti 4.1, na Ib 1.2, na 1 Pi 4.7, na 2 Pi 2.1, na 2 Io 1.7

¹⁹ Na outmbaica an ramtaira aiap eacatna, na inmbaia mina aimo tikcarica matangat, na mina aina tumbun ngoinnanna wanaij. Mina aina tumbunan co, mina aiap eacraŋ mbe. Na mina ai narica kipcarica taŋrenanna, aia aind ndamŋi, anna mina ainanna wanaij.

²⁰ Ne Neronj Ratmo ne aŋgira maica ne muruŋa malamŋireke.

²¹ Ainda moca aku nenmo gan kam tiratnan, aku gaimda mba lamŋica tiratke. Ne Raraŋ Aetaniacna kam gidikca mba lamŋireke, wanaij. Na aku tiratna miniŋa gaimd, ne Raraŋ Aetaniacna kam gidikmo ne lamŋirena, ma paparuna kam ndopna minna wanaij.

²² Na paparuna ramootta ma titocna ramoot? Mana kirara gaimd. Ma aindoprena, “Iesusa Raraŋ Aetaniaca babuca mbagirica kipca aimo mac nda aŋgina ramootta wanaij.” Na ramootta ainta kam ndop te, ma Raraŋ Aetaniacapa mana Nuocmo mba toritndai. Ma Karaisna puŋndamoot.

²³ Na ramootta Raraŋ Aetaniacna Nuocmo in neaŋ te, ma Raraŋ Aetaniac motocmo, ma in neaŋgapekna. Na ramootta Nuocmo ripac te, ma Raraŋ Aetaniac motocmo ma ripacnande.

Neronj Ratta aimo kam gidikna riptia neaŋrena

2:19 Mt 24.24, na In 6.37, na Up 20.30, na 1 Ko 11.19 **2:20** In 10.4, na Up 3.14, na 1 Ko 2.15, na 2 Ko 1.21, na Ib 1.9, na 1 Io 2.27

2:22 1 Io 4.3, na 2 Io 1.7 **2:23** In 5.23, na 14.7-10, na 15.23, na 1 Io 4.15, na 5.1, na 2 Io 1.9

²⁴ Na an kambca ŋgaua ne waracatnanna, ne matau utiŋi gagra. Na ne an ŋgauna kamma ne waracatnanmo matau utiŋi gagra te, Aetapa mana Nuoca nenapmo memetmbac ndeacraŋnandet.

²⁵ Na Karais ma aimo aında babuatna, ma aimo an iarwarna eteacna watmo neaŋnande.

²⁶ Aintik aku nemo an paparuna ramtaira nenmo towai paruna kirarirta kambca an tiratna.

²⁷ Na ne Iesus ndambuŋna Ŋeronŋ Ratta maanŋiat, na ma nenap maeacreke, aintik ne landamŋiartake matpi ŋgocor, te, aku nemo an ripti mac neaŋna. Wanaiŋ. An Ŋeronŋ Ratta ndo nenmo reac, reacna landamŋi neaŋrena. Na ma mba parurenanna. Ma kam gidik ŋgoin ndoprena. Aintik Ŋeronŋ Ratta nenmo riptirina kirara ne Iesus ndambuŋa taŋi miŋ.

Mandeaca aia Raraŋ Aetaniacna mombonik maeacreke

²⁸ Na aukna mombonik, ne Iesus Karaismo ŋaŋari miŋ, na ma larui raekca tik te, aia mana lamniac ŋgoutta witikna numbira mba moitndai, aia manap witiki gagranandet.

²⁹ Ne gaind ndamŋi te, Iesusna tip kirara wandoŋ gidik ŋgoin, na ne toco gaind ndamŋi, meikramtaira tipemb kirarir wandoik laiŋga morenanna, mina Raraŋ Aetaniacna mombonik koind malaruat.

2:24 In 14.23, na 1 Io 1.3, na 2 Io 1.6 **2:25** In 3.15, na 6.40, na 17.3, na 1 Io 1.2, na 5.11 **2:27** In 14.26, na 16.13, na Ib 8.10-11, na 1 Io 2.20 **2:28** 1 Io 3.2, na 4.17 **2:29** Up 22.14, na 1 Io 3.7, na 3.10

3

¹ Na ne wat! Aina tamuŋna Aetta ma aimo matŋica ma ndona nikinik iro laŋmo aimo neaŋrina. Na aimo Raraŋ Aetaniacna mombonik ŋgacrena. Na anna gidik ŋgoin, aia mana mombonik. Na gan tiacarpaikna meikramtaira mina Raraŋ Aetaniacmo mba lamŋireke, aintik mina ai motocmo mba lamŋirenan.

² Na aukna aikndamtair koind, mandeaca aia Raraŋ Aetaniacna mombonik teacrena. Na iŋmbaia aia titoc ndeacit, anna aia mba garacreke. Na aia lamŋirenan, oit ianna Karaisa kipnandet, te, aia manmo matau watnandet. Na aia man toc ndarunandet.

³ Na an meikramtaira muruŋa mana lambire-nanna, mina ndorimo Raraŋ Aetaniacna lamniac ŋgoutmo, moa rat ndaruca eacrena. Na an kirara Karaisa rat ndeacrenan, mitoco aind ndeacnandet.

⁴ Na ramootta tip ŋgoreacna makukca more-nanna, ma tip wandikmo ndarenan. Na tip ŋgoreacna makukna tipna kirara ma tip wandikmo ndarena.

⁵ Na ne lamŋirenan, Karaisa ma kiprinanna, ma tip ŋgoreacna makukca mo kecarina kiprina, na tip ŋgoreacna makukca manapa mba eacrenanna.

⁶ Na ramootta Karaisap mik te, ma tip

3:1 In 1.12, na 3.16, na 16.3, na Ro 8.16, na 1 Io 4.10 **3:2** Ro 8.18, na 8.29, na 1 Ko 15.49, na 2 Ko 3.18, na Pil 3.21, na Kol 3.4, na 2 Pi 1.4 **3:4** Ro 4.15, na 1 Io 5.17 **3:5** Ais 53.5-6, na 53.11, na In 1.29, na 2 Ko 5.21, na 1 Ti 1.15, na Ib 4.15, na 1 Pi 2.22-24, na 1 Io 2.2 **3:6** Ro 6.1-2, na 6.14, na 1 Io 2.4, na 3.9, na 4.8, na 3 Io 1.11

ngoreacna makukca mba rangaiitndai. Na ramoot ianna tip ngoreacna makukca rangai te, aia lamjinandet, ma Karaismo mba watreke, na ma manmo mba lamjireke.

⁷ Na aukna nuik, ne ndoritake matau wat, moca ramoot ianna nenmo paru nari. Na ramootta tip kirar wandonj laja morena ramoot, ma ramoot wandonj, na an tipna kirara Karaisa ramoot wandonj.

⁸ Ainda moca ramootta tip ngoreacna makukca morenan, ma Paparuna Ramootna ramoot. Aintik atu ngoinna tikca kiprinan, Paparuna Ramootta tip ngoreacna makukca memetmbaca morena. Ri, Raranj Aetaniacna Nuoca, ma Paparuna Ramootna aijnmo, mo ngocrainanapa mo kecarinanna moca, aintik ma raek ndaruatna.

⁹ Na ramoot ianna Raranj Aetaniacna nuoc ndaru te, ma tip ngoreacna makukna tipna kirara mba rangairenanna. Aintik Raranj Aetaniacna watta an ramootap eacrenan, ainda moca ma tip ngoreacna makukna tipna kirara mba rangaiitndai. Na ma Raranj Aetaniacna nuoc ndeacrajanandet.

¹⁰ Na aia lamji garacnande, mandaia Raranj Aetaniacna nuoc, na mandaia Paparuna Ramootna nuoc, te, aia gaind ndamjina, ramootta tip kirar wandonja mo ngocor, ma Raranj Aetaniacnanna wanaij. Na ramootta ndona laiplacarta ianmo matni ngocor, ma toco

3:7 Ro 2.13, na 1 Io 2.26, na 2.29 **3:8** RL 3.15, na Lk 10.18, na In 8.44, na 16.11, na Ib 2.14 **3:9** 1 Pi 1.23, na 1 Io 5.18 **3:10** 1 Io 2.29, na 4.8

ma Raranj Aetaniacnanna wanainj.

Aia kabe kabea aia kabena meikramtairmo tongoca matjiranj

(3.11—5.21)

Aia kabena meikramtairmo matjiranj

¹¹ Na ngau ngoinna ne an kambmo ne waracrinan, aia kabe, kabea kabena meacramootmo tongoca matjiranj.

¹² Na aia Keinna kirara kai eac teac. Ma Ramoot Ngoreacna ramoot, aintik ma ndona lapmo, mo menacrinan. Na kaina moca ma ndona lapa mo menacrina? Ma manmo, mo menacrinanna, mana tipna kirara lanja wanainj, na mana lapna tipna kirara wandonj.

¹³ Na Iesusa ripacrena laiplacar, gan tiacarpaikna meikramtaira nenmo puņņangepca mo te, ne anna moca kai ngep ngoreac nangep teac.

¹⁴ Na aia kabena meikramtairmo matjiranj, ainda moca aia lamjirena, aia memenacna tipna kirara aia tikcamacariri, na aia iarwarna eteacna watna tipna kirar ndeacrena. Na ramootta Iesusa ripacrena laiplacarmo matji ngocor, ma memenacna tipna kirara maeacreke.

¹⁵ Na ramootta ma ndona laiplacarmo matji ngocor, na minmo nikinik iro ngoreacap, anna ma ramootta mo menacna tipna kirarap. Na

3:11 In 13.34, na 15.12, na 1 Io 1.5, na 4.7, na 4.21 **3:12** RL 4.8, na Ib 11.4, na Iu 1.11 **3:13** Mt 5.11-12, na In 15.18-19, na 17.14, na 2 Ti 3.12 **3:14** In 5.24, na 1 Io 2.9-11 **3:15** Mt 5.21-22, na Gal 5.21, na KIEK 21.8

ne lamnjirena, ramootta kabena ramootmo, mo menac te, anna ma iarwarna eteacna watmo ma mba anjiritndait.

¹⁶ Ainda moça Iesusa ndona watnan kecarica, menaca aimo otacna morina, na mana an tipna kirara ma aimo wandacrinanna, kabena meikramtaïrmo matnjirena tipna kirara aind. Na ai toco aia ndorita wat kecaria Iesusa ripacrena laiplacarmo otacna.

¹⁷ Na ramoot ianna gan tiacarpaikna reikap te, na ma wat te, kabena laiplacara reikca matpi te, na ma manmo kakadmai kocor, te, aia lamnjinandet, Raraņ Aetaniacna kabena meikramtaïrmo matnjirena tipna kirara an ramoot ndambuņa kamaïnd.

¹⁸ Na aukna nuik, aia laiplacarmo kambapa up mbuņa kai matnjiran teac. Wanaiņ. Aia minmo mamatji gidikca neaņ, na minmo tipemb kirarir laiņga morañ.

Iesusa ripacrena laiplacara Raraņ Aetaniacna lamniac ŋgoutmo gagraça witik

¹⁹⁻²⁰ Na aia kabena meikramtaïrmo gidikca tongorenan te, aia lamnjinandet, anna aia kam gidikca ranğairena. Na mindacniņ aina nikinik iroa reac ianna ritri waparaca mo te, aia Raraņ Aetaniacna lamniac ŋgoutmo nikinik iro wetwet ndeacraņna. Na anna gaiņd, Raraņ Aetaniaca ma reikmo muruņ ndamnjirenan, na

3:16 In 3.16, na 13.1, na 15.13, na Ro 5.8, na Gal 1.4, na Epe 5.2, na 5.25, na 1 Te 2.8 **3:17** TW 15.7, na Lk 3.11, na 1 Io 4.20

3:18 Ro 12.9, na Ie 2.15-16, na 1 Pi 1.22 **3:19-20** In 18.37, na 1 Io 1.8

mana landamñia ma aina nikinik iroarmo kunda tamuñmbai.

²¹ Na aukna aikndamtair koind, aina iroar inkara aimo ritri waparaca mo ngocor te, aia Rarañ Aetaniacna lamniac ngoutmo aia gagraca witiñkñandet.

²² Na aia mbendeia reac ianna digi te, ma aimo neaññandet, an kidrikca aia mana kamma ranğairenan, na man tonğorena kamma aia morena.

²³ Na mana kamma gaird. Aia mana Nuoc Iesus Karaisna i mbuñja ripacrañ, na kabe, kabea kabena meikramtairmo matñirañ, na an kirara ma aimo mbopatna.

²⁴ Na ramoot ianna Rarañ Aetaniacna kamma ranğai te, ma Rarañ Aetaniacap miñkrinan, na Rarañ Aetaniaca manap miñkrinan. Na Rarañ Aetaniaca aimo Neronñ Ratta neaññinan, na an Neronña aimo gairda wandacrinan, Rarañ Aetaniaca aiap eacrena.

4

Ne ñerñgaurmo towai, mina Rarañ Aetaniac ndambuñnan kiñprinan, co wanaiñ

¹ Na aukna aikndamtair koind, paparuna ram-bca morena ramtaira gan tiacarpaik ndaruca tamtam matañgat. Ainda moca nen ndambuñ

3:21 Ib 4.16, na 10.22, na 1 Io 2.28, na 4.17 **3:22** Njap 34.15, na Ier 29.12, na Mt 7.8, na 21.22, na In 9.31, na 14.13 **3:23** In 6.29, na 13.34, na 15.12, na 15.17, na 17.3, na 1 Te 4.9, na 1 Pi 4.8, na 1 Io 2.8-10 **3:24** In 14.23, na 15.10, na 17.21, na Ro 8.9, na 1 Io 4.12-13 **4:1** Mt 7.15, na 24.4-5, na 24.24, na 1 Te 5.21, na 2 Pi 2.1, na 1 Io 2.18, na 2 Io 1.7, na KIEK 2.2

nakiprena ramtaira aindop te, “Raraŋ Aetaniacna Ŋeroŋa aukmo kam nearŋinan,” anna ne kai ripac teac. Ainda moca ne ŋerŋgaurmo muruŋa towai te, ne lamŋinandet, mina Raraŋ Aetaniac ndambuŋnan kiprinan, co wanaiŋ.

² Na nena tipna kirara ma Raraŋ Aetaniacna Ŋeroŋmo lamŋinandet, ma aintan. Na ramootta aindop te, “Iesus Karaisa ma ramootna kirar toc ndaruca taŋrena,” te, Raraŋ Aetaniacna Ŋeroŋa an ramootap eacrenan.

³ Na ramootta Iesusmo ainta kambca mbop ŋgocor te, an ramootta ma kabena ŋeroŋap eacrena, na anna Raraŋ Aetaniacnanna wanaiŋ. Na anna ma Karaisna puŋdamootna ŋeroŋ, na ŋgaua ma kip ndoprina kambca ne waracrinan. Na mandeaca ma laruca gan tiacarpaik ndeacrena.

⁴ Na aukna nuik teker, ne Raraŋ Aetaniacnan, na ne an paparuna rambca morena ramtairmo, moa irikrinan. Na an Ŋeroŋa nenap eacrenanna, ma an ŋeroŋa gan tiacarpaik inikna ramtairap eacrenanmo kundrinan.

⁵ Na an ramtaira mina gan tiacarpaikna meikramtair. Aintik mina kambca ma gan tiacarpaiknan niŋgik, na gan tiacarpaikna meikramtaira mina ndori tiŋgikca, mina kambmo waracrena.

⁶ Na aia Raraŋ Aetaniacnan, na meikramtaira Raraŋ Aetaniacmo lamŋirenan, mina aina

4:2 1 Ko 12.3, na 1 Io 5.1 **4:3** 2 Te 2.7, na 1 Io 2.18, na 2.22, na 2 Io 1.7 **4:4** Mt 12.29, na In 16.33, na 1 Ko 2.12, na Epe 2.2, na 6.12, na 1 Io 5.4-5 **4:5** In 3.31, na 15.19, na 17.14 **4:6** In 8.47, na 10.27, na 14.17, na 1 Ko 14.37, na 2 Ko 10.7

kammo waracrena. Na ramootta Raraŋ Aetaniacnanna wanaiŋ, ma aina kammo mba waracitndai. Na an tipna kirara mbuŋa aia kam gidikna Ŋeroŋmo lamŋinandet, na paparuna ŋeroŋ motocmo lamŋinandet.

Na ramootta Raraŋ Aetaniacnanmo gidikka toŋgorenan ma kabenan motocmo toŋgo

⁷ Na aukna aikndamtair koind, aia kabe, kabea kabena meikramtairmo matŋiraŋ. Na an kabenanna matŋina tipna kirara, anna Raraŋ Aetaniacna tipna kirar. Na ramootta kabena meikramtairmo matŋirenan, ma Raraŋ Aetaniacna nuoc, na ma Raraŋ Aetaniacmo matau ŋgoinna lamŋirenan.

⁸ Na Raraŋ Aetaniac ma an mamatŋina tipna kirarna miniŋ. Aintik ramootta kabena meikramtairmo mba matŋirenan, ma Raraŋ Aetaniacmo mba lamŋirenanna.

⁹ Na Raraŋ Aetaniaca ma Nuoc kabe niŋgik ŋgoiŋap, na ma an Nuocmo gan tiacarpaikca mbaŋirica kipiŋinan, te, aia iarwarna eteacna watta man ndambuŋnan aŋŋinandet. Na an tipna kirar mbuŋa Raraŋ Aetaniaca aimo wandacrina, ma aimo mamatŋi ŋgoiŋ.

¹⁰ Na kabena meikramtairmo matŋirena tipna kirara, anna Raraŋ Aetaniacna tipna kirar. Aina moca aia gaima kai lamŋi teac, aia Raraŋ Aetaniacmo outta matŋirinana, wanaiŋ ŋgoiŋ, ma ndo aimo outta matŋirina. Aintik ma ndona

4:7 1 Io 2.29, na 3.10-11, na 3.23 **4:8** 1 Io 2.4, na 3.6, na 4.16

4:9 In 3.16, na Ro 5.8, na 8.32, na 1 Io 5.11 **4:10** In 15.16, na Ro 5.8-10, na Ta 3.4, na 1 Io 2.2

Nuocmo mbagirica gan tiacarpaik nakipca, aina tipemb ŋgorikta makukara mo kecarinan.

¹¹ Ainda moca aukna aikndamtair koind, Raraŋ Aetaniacna an tipna kirar mbuŋa ma aimo wandacrinan, ma aimo mamatŋi ŋgoin. Aintik aia kabe, kabea kabena meikramtairmo matŋiraraŋ.

¹² Na ramoot ianna Raraŋ Aetaniacmo mba watreke. Na aia kabena meikramtaira matŋi te, Raraŋ Aetaniaca ma aiap mikraŋnandet, na mana an kabenanmo matŋirina tipna kirara, ma aina eteacna watna inikca laruca wandon niŋgik.

¹³ Na aia lamŋirinan, aia manap mikrenan, na ma aiap mikrenan, aintik ma aimo ndona Ŋeron neaŋrina.

¹⁴ Na Aetta ma aindoprina, reaca aia mawatri. Ainda moca ma ndona Nuocmo mbagirica gan tiacarpaik nakipca meikramtairmo muruŋa mac nda aŋgina, na aia an reacna kambmo wiwitirena.

¹⁵ Na ramoot ianna gaindop laru te, “Iesusa ma Raraŋ Aetaniacna Nuoc,” te, Raraŋ Aetaniaca an ramootap mikrinan, na ma manap mikrina.

¹⁶ Ainda moca aia lamŋirena, na aia ainda gagraca ripacrina. Na Raraŋ Aetaniaca ma aimo matŋirenan ŋgoin, na mana an tipna kirara ma aina eteacna watap eacrenan.

4:11 Mt 18.33, na In 15.12-13, na 1 Io 3.16 **4:12** In 1.18, na 1 Ti 6.16, na 1 Io 2.5-6, na 4.18-20 **4:13** In 14.20, na 2 Ko 1.22, na 1 Io 3.24 **4:14** In 1.14, na 3.17, na 1 Io 1.1-2 **4:15** Ro 10.9, na 1 Io 5.1, na 5.5 **4:16** 1 Io 3.24, na 4.8, na 4.12

Na ma ndo ŋgoinna ma kabena meikramtairmo mamatɲina miniŋ. Na ramootta kabena meikramtairmo mamatɲirenana, ma Raraŋ Aetaniacap mikrinana, na ma manap mikrina.

¹⁷ Na aia aind ndeacraŋ te, an kabena meikramtairmo mamatɲina tipna kirara ma aina eteacna watna inikca ma gagnarina. Na mana ritri waparacna ra aniaca aia nanambia rugdara mba moitndaiit. Na anna gidik, aia gan tiacarpaik ndeacrenana, aia Karaisa ndo eacrena kirar ndeacrenana, aintik aia kai nanambi teac.

¹⁸ Na ramootta kabena meikramtairmo matɲirenanna, ma mba nanambirenana. Na kabena meikramtairmo matɲirena tipna kirara, ramoot ianna eteacna watta gagra te, anna ndo nanambina tipna kirara moa kecarirenana. Na nanambina miniŋa gaind. Ramootta ma lamɲirena, ma opoik ŋgoreaca aŋɲinandet, na anna ndo manmo moa nanambirenana. Na ma nanambi te, aia lamɲinandet, kabena meikramtairmo mamatɲina tipna kirara mana eteacna watmo mba gagrareke.

¹⁹ Ainda moca aia kabena meikramtairmo matɲirenanna, anna gaind, out ŋgoinna Raraŋ Aetaniaca aimo matɲirina.

²⁰ Na ramoot ianna aindop te, “Aku Raraŋ Aetaniacmo mamatɲi ŋgoin,” na ma ndona laiplacarmo mba matɲirenanna, te, an ramootta ma paparuna ramoot. Na ramoot ianna Raraŋ Aetaniacmo mba watatke. Ainda moca ramootta an meikramtairmo ma minmo watrinanna, na

4:17 Ie 2.13, na 1 Io 2.28, na 3.3, na 3.19-21 **4:20** 1 Io 2.4, na 3.17, na 4.12

ma minmo matŋi ŋgocor, te, an Raraŋ Aetaniaca ma wat ŋgocortanmo, ma manmo mba matŋiitndai.

²¹ Na an tipca aia Karais ndambuŋnan aŋgirinanna ma gaind. Na ramootta Raraŋ Aetaniacmo mamatŋi ŋgoinna morenan, ma ndona laiplacarmo mamatŋi ŋgoinna monande.

5

Iesua ripacrena laiplacara gan tiacarpaikna gargarmo kunda eacrena

¹ Na meikramtaira muruŋa Iesusmo ripacrenan, na ma an ramootta Raraŋ Aetaniaca babuca mbagirica kipca aimo mac nda aŋgina ramoot, aintik mina Raraŋ Aetaniacna mombonik tarurina. Ainda moca meikramtaira muruŋa aet kabea matŋirenan, mina muruŋa mana mombonik motoco matŋirena.

² Te, aia Raraŋ Aetaniacmo matŋica mana tipemb wandikmo mataui raŋgai te, an kirarir puŋga, aia ndorimo lamŋi rapacnande, aia Raraŋ Aetaniacna mombonikmo mataua matŋica maraupŋireke.

³ Na aia Raraŋ Aetaniaca matŋi te, aia mana tipembta kirarirmo, mataui raŋgaina. Na mana an tipembca, aimo makukara neaŋna minna wanaiŋ.

⁴ Aintik meikramtaira muruŋa Raraŋ Aetaniacna mombonik tarurenan, mina gan

4:21 Mt 5.44-45, na Mk 12.29-31, na In 13.34, na 15.12, na 1 Io 3.23 **5:1** In 1.12-13, na 15.23, na 1 Io 2.22-23, na 4.15 **5:3** Mai 6.8, na Mt 11.30, na In 14.15, na 14.21-24, na 2 Io 1.6 **5:4** In 16.33, na 1 Io 3.9, na 4.4

tiacarpaikna gargarmo kitac iriknande. Ainda moca aia Raraŋ Aetaniac niŋgikca ripac, an taup mbuŋa aia gan tiacarpaikna gargarma ruŋi kitaci irikca, kunda tamuŋ ŋgoin ndeacnande.

Raraŋ Aetaniaca ndona Nuocna kammo mboprina

⁵ Na mandaia gan tiacarpaikna gargarmo kitac irikna min? Na ramootta Raraŋ Aetaniacna Nuoc Iesusa ripac te, ma gan tiacarpaikna gargarma ma kitac irikna min.

⁶⁻⁸ Na an ramoot Iesus Karais, ma gan kirar mbuŋa kipatna, kitac puk aŋtangina kirarap, ik nakeraca ndona racaindpaiknanna kactaca irikatna kirar mbuŋ nakipatna. Na ma puk mbuŋna kitac pukna kirar niŋgik ndiŋa mba kipatke, wanaiŋ ŋgoin. Ma pukna kitac pukapa racaindpaikapna, kirar mbuŋ nakipatna. Na Neronŋ Rat, ma ndo kam gidikna miniŋ, na ma ndo Iesusna morena kirarirta kam wiwitirena. An reik, mbonkaca mina ndori, mana kirarirta kam wiwitia wandacrena. An reikca ianna Neronŋ Rat, na ianna puk, na ianna mana racaindpaik. Na mina ndori kam iro kabe niŋgikna kam leacrena.

⁹ Na aia meikramtair mboprena kambca waraca ripacrena, na Raraŋ Aetaniacna mbopatna kamb, an meikramtairta kambmo kundrina. Na mana Nuocna kamma anna ma atuna wiwitia mbopatna.

5:5 Ro 8.37, na 1 Ko 15.57, na 1 Io 4.4, na 4.15 **5:6-8** In 1.1, na 1.29, na 1.34, na 10.30, na 14.17, na 15.26, na 16.13, na 19.34, na 1 Ti 3.16, na 1 Io 1.7, na KIEK 19.13 **5:9** Mt 3.16-17, na 17.5, na In 5.32-37, na 8.17-18

10 Na ramootta Raraŋ Aetaniacna Nuoca ripacrenan, ma Raraŋ Aetaniacna wiwitiatna an kambca ma aŋgira mana iro inik maeacreke. Na ramootta Raraŋ Aetaniacna kambca ripac ŋgocor, ma Raraŋ Aetaniacna kammo ma pa-paru ndopnande. Aintik Raraŋ Aetaniaca ndona Nuocna tiŋpemb kirarirta kambca an topatnanna, ma waraca mba ripacri.

11 Mana kambca gidkar koind, an kirarir puŋga, ma aimo anna wandacrina. Ainda moca Raraŋ Aetaniaca aimo iarwarna eteacna wat neaŋgatna. Na mana Nuoca ma an iarwarna eteacna wat ŋgam, na man niŋgikca ma ndo anna miniŋ.

12 Na ramootta Raraŋ Aetaniacna Nuocmo taŋi miŋ te, ma iarwarna eteacna watap. Na ramootta Raraŋ Aetaniacna Nuocmo taŋi miŋ ŋgocor, an iarwarna eteacna watta manap mba eacitndai.

Ionna mamamaina kam

13 Na ne Raraŋ Aetaniacna Nuocna i mbuŋa ripaca utiŋrena meikramtaira, aku gan kamma nena moca turrina, nemo anna wati rapacna moca, na an iarwarna eteacna watta ne maŋgiri.

14 Na aia Raraŋ Aetaniacna tonŋon niŋgik ŋgoinna raŋgairiŋ te, na aia mana tonŋorena kirar ndiŋa mbendeica digi te, ma aina mben-deiekna kamma, ma waracnandet. Ainda moca aia man narica mba nanambirenanna, wanaiŋ ŋgoin. Aia mana kiŋimma taŋrena.

5:10 In 3.33, na 5.38, na Ro 8.16, na Gal 4.6 **5:11** In 3.36 **5:12** In 3.36, na 5.24 **5:13** In 20.31, na 1 Io 1.1-2 **5:14** In 14.13, na 16.23, na 1 Io 3.21-22

¹⁵ Aintik aia lamņirena, aia mamō mbendeica digirena kambca, ma waracrena. Ainda moca aia manmo ndorimo reac ian neaņna moca digirenanna. Aia ripaca lamņirina, an reaca, ma aimo gidik ņgoinna neaņnande.

¹⁶ Na ramootta, u Iesusa ripacrena laiplacarta ianna tip ņgoreacna makukca moeknanna wat te, mana morina tip ņgoreacna makukca, mamō mo menacna minna wanaiņ, te, u Raraņ Aetaniacmo mbendei digica, ma mamō otaca, mamō wat manan mac nda neaņna. Na aku mboprena tip ņgoreacna makukna kamma, aku an tip ņgoreacna makuk ianna meikramtairmo mba moa menacrenanna, an tip ņgoreacna makukna kamma aku an ndoprena. Na tip ņgoreacna makuk ianna, anna meikramtairta, ņerņgaurmo mo menacna min, na aku nemo meikramtaira an tip ņgoreacna makukca morenanna, mbendei nake mba mbopri.

¹⁷ Na tipemb kirarira muruņa laiņga wanaiņ, mina maecreke. An tipemb kirarir, anna tipemb ņgorikta makukar. Na tip ņgoreacna makuk ianna, ma meacramootna ņeronņmo mba mo menacitndai.

¹⁸ Na meikramtaira Raraņ Aetaniacna mombonik teacrenan, aia minmo lamņirena mina mba tip ņgoreacna makukca mba moraiņitndai. Wanaiņ ņgoin. Raraņ Aetaniaca minmo aņņira raupņia ndona bubuocna kaņgaukca tikca, mina mana mombonik teacrena. Na Ramoot

Ngoreaca minmo reac ianna mona minna wanaiņ.

¹⁹ Na gan tiacarpaikca Ramoot Ngoreacna gargarna kaņgauk ndeacrena. Aintik aia lamņirena, aia wanaiņ, aia Raraņ Aetaniacna mombonik.

²⁰ Na aia lamņirina, Raraņ Aetaniacna Nuoca kipca eacreke, ainda moca ma aimo iro landamņi neaņrena, aimo Raraņ Aetaniaca watirapaca, manapa mana Nuoc Iesus Karaisap, maniņmo taņi mikna moca. Aintik Iesus, ma Raraņ Aetaniac, ma ndo iarwarna eteacna watna miniņ.

²¹ Ainda moca aukna mombonik, ne gan tiacarpaikna mirpembraraiņ tarica, iukaia tawan ndeac.

**Raraŋ Aetaniacna Kam Wembaŋ Lan
New Testament in Mborena Kam language
Nupela Testamen long tokples Mborena Kam long
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 18 Apr 2025 from source files dated 29 Jan 2022

8e1073ed-d2dc-5f3a-bb48-5406185123a7